



Indgået

20 MAR. 2017

Debora Kleist
Inuit Ataqaqtiit
/ Maani

NAMMINERSORLUTIK OQARTUSSAT
GRØNLANDS SELVSTYRE
INATSISARTUT ALLATTOQARFIAT
BUREAU FOR INATSISARTUT
BOX 1060 - 3900 NUUK

Inissiat pillugit § 37 naapertorlugu apeqquteqaammut akissut

Brevdato: 15-03-2017
Sags nr. 2017 - 4865
Dok. nr. 17922635

Asasara Debora

Ineqarneq pillugu apeqqutitut nassiussannut qujanaq. Matuma kinguliani apeqqutitit isuarneqarput, akissutitaannik malitseqartinneqarlutik.

Postboks 909
3900 Nuuk
Tlf.: (+299) 34 50 00
E-mail: box909@nanaq.gl
www.naalakkersuisut.gl

1. Ukiuni tulliuuttuni inissianik, illunik sanaartornissaq eqqarsaatigalugu, aningaasaliissutit qanoq tulleriiaarnissaat naatsorsuutigineqarpa?

AKISSUT: Maannarpiaq Namminersorlutik Oqartussat inissiaarsuaataannut pilersaarutit illoqarfikkaartunik suliaqartoqarpoq. Immikkoortumut pilersaarutit siunissami ineqarnerup iluani aalajangiiffigisassannut tunngaviliissapput, taakkunanilu pingaarnertut siunertaavoq:

- Inissianik iluarsaassinermut/isaterinermut maanna aningaasaliissutaasut siunissamilu aningaasaliissutaasartussat pitsaanerpaamik atorineqarnissaasa qulakkeerneqarnissaa
- Najugaqarfiit aningaasaqarneranni illunut tunngasut pitsaanerumik tunngavissinneqarnissaasa qulakkeerneqarnissaa
- Namminersorlutik Oqartussat najugaqarfiutaasa illoqarfinni innuttaasut ineriartornerinut naleqqussarneqarnissaat

Immikkoortunut pilersaarutit illuutini ataasiakkaani inissiat iluarsaattariaqarnerinut, atasinnaassusiisa sivitsorneqartariaqarnerinut isaterneqartariaqarnerinulluunniit inassuteqaatinik tulleriiaarinernillu imaqarput. Inassuteqaat tulleriiaarinerullu suliarineqarnerani inissiat pitsaassusaat, maannarpiaq inissianik atorfissaqartitsineq aammalu innuttaasut ineriartornerat aallaavigalugu siunissami inissianik pisariaqartitsineramik naliliineq tunngavigineqarput.

Ukiuni tulliuuttuni aningaasanut inatsisissani iluarsaassinermut, aserfallatsaaliuinnermut nutaanillu sanaartornermut aningaasaliissutit immikkoortumut pilersaarutit inassuteqaatit tunngavigalugit tulleriiaarneqassapput. Kisiannili aamma ilaatigut su-

liffissaqartitsinermi sunniutissat, sanaartornerup akuttoqatigiittumik ingerlaavarnissaa aammalu taartissanik sanaartornermi tullerriiarineq, isaterinernik ilaqartinneqartoq aallaavigineqassapput. Taakkununga ataqatigiissaarinissamut pilersaarusiornissamullu pilersaarutit ingerlapput, aammalu immikkoortunut pilersaarutit tamar-mik Naalackersuisunit akuerineqareeripata inaarutaasumik inissinneqassallutik.

2. Kommune Kujallermi sumiiffinni illunik inissiallu isaterinissaq qanoq takor-loorneqarpa?

AKISSUT: Isaterinissaq Immikkoortunut Pilersaarutini inassuteqaatit naapertorlugit, aammalu illut inueruttarnerat tunngavigalugu ingerlanneqassapput. Aammattaaq imm. 1-imut akissut takuuk.

3. Illoqarfinni nunaqarfinnilu inissiat illullu isaterneqartussat tartissaanik sanar-tornissamut qanoq pilersaaruteqartoqarpa?

AKISSUT: Immikkoortunut Pilersaarutit aamma innuttaasut amerliartornerat ima-luunniit inissiatit nutaanik sanaartornissamik pisariaqartitsiviulerlutik aserfallassimanagerat ilutigalugu taartissanik sanaartornissamut inassuteqaatinik ima-qarput. Aammattaaq imm. 1-imut akissut takuuk.

4. Nanortalimmi ukioq mannamiit inissiarsuarni najugallit arlallit allamik inissar-siuunneqartariaqassapput inigisaasa isaterneqarnissaat pissutigalugu. Inissi-arsuit qassit katillugit ukioq manna Nanortalimmi isaterniarneqarpat?

AKISSUT: Nanortalip immikkoortuanut pilersaarummi illuutit katillugit sisamat isa-terneqarnissaat inassutigineqarpoq.

5. Inissiat taartissaanik sanaartortoqarnissaanik Naalackersuisuniit pilersaar-uteqartoqarpa?

AKISSUT: Imm. 1-imut aamma imm. 3-mut akissutit takukkit.

6. Illoqarfinni nunaqarfinnilu sorlarni inissanik illunillu nutarterinissamik iluar-sartuussinissamillu pilersaaruteqartoqarnerluni?

AKISSUT: Illoqarfinnut aqqaneq marlunnut, Namminersorlutik Oqartussat inissiar-suaateqarfigisaanut ukununga Immikkoortunut Pilersaarutit suliarineqarput; Na-nortalik, Narsaq, Qaqortoq, Paamiut, Nuuk, Maniitsoq, Sisimiut, Aasiaat, Qasigian-guit, Ilulissat, Qeqertarsuaq, Uummannaq. Aammattaaq imm. 1-imut akissut ta-kuuk.

Naggasiutigalugu ilisimatitsissutigisinnaavara, Immikkoortunut Pilersaarutit tassaamma-ta immikkoortunut pilersaarutit ingerlaavartut, tassa imaappoq innuttaasut ineriartornerat

allannguuteqartarnerallu naapertorlugu taakku iluarsineqartartussaapput. Taakku sania-
tigut suliat ingerlaavarneri malillugit immikkoortunut pilersaarutit ingerlaavartumik iluarsi-
neqartassapput.

Inussiarnersumik inuulluaqqusillunga



Múte B. Egede